

**Inuussutissarsiutinut ilinniartitaanerit
inuussutissarsiutinullu pikkorissartitsisarnerit pillugit
Inatsisartut peqqussutaata allanngortinneqarneranik
Inatsisartut peqqussutaat (Inuussutissarsiutinut
pikkorissartitsisarnerni tapiissuteqartarnermut
inatsisini pineqartut annertusineqarnerat,
sungiusaammik sulinermi akissarsianut
maleruagassat, kiisalu suliaasaqarfiup
allanngorneranut tunngatillugu erseqqissaatit)**

§ 1

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata nr. 2, 31. maj 1999-imeersup Inatsisartut peqqussutaatigut nr. 11, 18. december 2003-meersukkut allanngortinneqartoq, imaattunik allannguuteqartinneqassaaq:

1. Inatsisartut peqqussutaata taaguutaa imatut oqaasertalerneqassaaq:

"Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit inatsisartut peqqussutaat"

2. Qulequtaq § 1 sioqqullugu, imatut oqaasertaqassaaq:

"Siunertaq"

3. Inatsisartut peqqussutaanni allassimasut "inuussutissarsiutinut ilinniartitaanermi pikkorissarneq" tamarmik allanngortinneqassapput: "pikkorissarneq, inuussutissarsiutinut ilinniartitaanermut tunngasut".

4. § 3-mi allanngortinneqassaaq: "Kulturimut, Ilinniartitaanermut Ilisimatusarnermullu" imaalillugu: "Inuussutissarsiutinut ilinniartitaanerit".

5. Inatsisartut peqqussutaanni allassimasut "Kulturimut, Ilinniartitaanermut Ilisimatusarnermullu" tamarmik allanngortinneqassapput imaalillugit: "Ilinniartitaanermut Pisortaqarfik".

6. § 6, imm. 1-mi oqaaseqatigiinni siullerni, "ilinniartitaanerit nutaat" kingorna ivertinneqassaaq, akuersissutigisassavaat brancheudvalg-it ilinniartitaanermut pilersaarutini inassuteqareernerisigut".

7. § 22, imm. 1, atorunnaarsinneqassaaq.

Imm. 2 taamaalilluni imm. 1-inngussaaq.

8. § 36 imatut oqaasertalerneqassaaq:

"Ilinniagaqartoq inuussutissarsiutinut ilinniartitaanermut atasumik sungiusaammik suliffeqartoq

sungiusaammik sulinermini akissarsiaqartineqassaaq isumaqatigiissut atuuttoq naapertorlugu, aammalu immikkut tapiissutininik pisartagaqassalluni Inatsisartut ilinniartuunersiuqartarnermut peqqussutaat naapertorlugu. Sungiusaammik suliffigineqartoq ataatsimoorussamik isumaqatigiissutaasunik tunngavissaqanngippat, ilinniagaqartoq minnerpaamik akissarsiaqarlunilu sulinermini atugassaqartinneqassaaq pisortat sulisitsisuini ilinniagaqartut sulinerminni atugassaqartitaanerak akissarsiaqartitaanerallu pillugu isumaqatigiissutaasut tunngavigalugit.

Stk. 2. Ilinniagaqartoq inuussutissarsiutinut ilinniartitaanerni atuartuusooq

ilinniagarneqarsiuqartinneqassaaq inatsisartut ilinniagaqarneqarsiuqarneq pillugu peqqussutaat naapertorlugu."

9. § 47 sioqqullugu qulequtaasooq imatut oqaasertalerneqassaaq:

"Pikkorissaanerit inuussutissarsiutinut ilinniartitaanernut tunngasut".

10. § 47 imatut oqaasertalerneqassaaq:

"§ 47. Aningaasanut inatsimmi aningaasaliissutaasimasut iluanni tapiissuteqartoqarsinnaavoq pikkorissaanerit inuussutissarsiutinut ilinniartitaanermut tunngasunut, suliamik ilinniagalinnut suliamillu ilinniagaqarsimanngitsunut sammititaasunut, tassungalu ilanngullugu suliffissaaleqisunut, annnerpaamik ingerlaqqiffiusumik naatsumillu inuussutissarsiutitsigut ilinniagaqarsimasunut. Aammattaaq inuussutissarsiutinut immikkut tapersersorniarneqartunut atatillugu pikkorissarnernut aningaasartuutaasunut tapiissuteqartoqarsinnaavoq, namminersortutut inuussutissarsiuteqartunut minnerusunik suliffiuteqartunut, inuussutissarsiutinut ilinniakkanik ingerlaqqiffiusunik sivikinnerusunik ilinniagaqarsimasunut.

Imm. 2. Pikkorissanerit inuussutissarsiutinut ilinniartitaanernut ilinniarfinnit isumagineqassapput, aammalu tamanut ammasumik neqeroorutigineqassallutik, taamaattoq imm. 3 naapertorlugu.

Imm. 3. Taamaattoq imm. 2-mi taamatut allassimasooqaraluartooq inuussutissarsiutinut ilinniartitaanermut tunngasuni pikkorissarnernut tapiissuteqartoqarsinnaavoq, pikkorissaasartut allat neqeroorutaannut, pikkorissaanerit assingusunik inuussutissarsiutinut ilinniarfinnit neqerooruteqartoqanngippat.

Tamatumalu saniatigut inuit ataasiakkaat pikkorissarnernut peqataanissaannut tapiissuteqartoqarsinnaavoq, inuussutissarsiutinut ilinniartitaanermut tunngasuni pikkorissarnernut inuussutissarsiutinut ilinniarfinnit neqeroorutigineqangitsunut.

Imm. 4. Sulisut sinniisaasa pikkorissartinneqarnerinut imaluunniit taakkunani peqataanermut tapiissutininik tunniussisoqarsinnaanngilaq.

Imm. 5. Taamaallaat qinnuteqartoqarnera tunngavigalugu tapiissuteqartoqarsinnaavoq."

11. § 49 imatut oqaasertalerneqassaaq:

" § 49. Naalakkersuisut maleruagassiorsinnaapput pikkorissaanerit tapiissuteqarfigineqarsinnaasut siunertaat pillugit, tapiissuteqartarnermi piumasarisat pillugit, tassungalu ilanngullugu tapiiffigineqarnissamut qinnuteqarnermi periusissat pillugit, tapiissutit annertussusissaat tunniunneqartarnerallu pillugu, tassunga ilanngullugit ullormut tunniunneqarsinnaasut annertussusissaat pillugu, aammalu pikkorissartitsisarnerni nalinginnaasumik maleruagassaqarnissaa pillugu."

§ 2

Inatsisartut peqqussutaat atortuulerpoq 1. juni 2008.

Namminersornerullutik Oqartussat, ulloq 16. maj 2008

Hans Enoksen

/

Siverth K. Heilmann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut